

Na osnovu člana 46. Zakona o izvršenju Budžeta Bosansko-podrinjskog kantona Goražde za 2018. godinu ("Službene novine Bosansko-podrinjskog kantona Goražde", broj: 13/17), a u skladu sa Programom utroška sredstava Ministarstva za socijalnu politiku, zdravstvo, raseljena lica i izbjeglice sa ekonomskog koda 614300 – Tekući transferi neprofitnim organizacijama za 2018. godinu, broj: 08-14-303-2/18 od 28.02.2018. godine, na koji je Vlada Bosansko-podrinjskog kantona Goražde dala saglasnost Odlukom broj:03-14-233/18 od 22.02.2018. godine, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde **r a s p i s u j e:**

J A V N I P O Z I V

za finansiranje i sufinansiranje programa/projekata i ostalih aktivnosti neprofitnih organizacija u socijalnom i zdravstvenom sektoru za 2018. godinu

I Predmet javnog poziva

Predmet javnog poziva je dodjela novčanih sredstava neprofitnim organizacijama iz socijalnog i zdravstvenog sektora namjenjena u svrhu finansiranja/sufinansiranja programa/projekata i ostalih aktivnosti iz Programa utroška sredstava Ministarstva za socijalnu politiku, zdravstvo, raseljena lica i izbjeglice sa ekonomskog koda 614300 – Tekući transferi neprofitnim organizacijama za 2018. godinu.

II Pravo učešća na javnom pozivu

Pravo učešća na ovom javnom pozivu imaju neprofitne organizacije i udruženja aktivna u socijalnom i zdravstvenom sektoru koja su registrovana na području Bosansko-podrinjskog kantona Goražde.

III Kriteriji

Kriteriji koji će se koristiti za raspodjelu sredstava vezani su za planirane rezultate, efekte i utjecaj projektnih aktivnosti na opće i posebne ciljeve Programa utroška sredstava.

Opći kriteriji

- a) Registracija udruženja/organizacije na području Bosansko-podrinjskog kantona Goražde;
- b) Da predloženi program/projekat tretira oblast iz nadležnosti ministarstva;
- c) Da je predloženi program/projekat u skladu sa općim i nekim od posebnih ciljeva ovog programa.

Posebni kriteriji

- a) Projekti i aktivnosti koji mogu značajnije doprinijeti unaprijeđenju sistema socijalne ili zdravstvene zaštite;
- b) Projekti i aktivnosti koji značajno doprinose poboljšanju položaja najranjivijih socijalnih kategorija stanovništva (djeca, osobe sa invaliditetom, starije i iznemogle osobe, bolesne i bespomoćne osobe, osobe i porodice u stanju socijalne potrebe, civilne žrtve rata);
- c) Projekti i aktivnosti u cilju prevencije bolesti ovisnosti i toksikomanije;
- d) Projekti i aktivnosti prevencije bolesti i zdravstveno prosvjećivanje građana;
- e) Projekti i aktivnosti promocije zdravlja, edukacije i zdravstvenog prosvjećivanja mladih u cilju očuvanja i unapređenja vlastitog zdravlja i zdravlja drugih osoba;
- f) Saradnja sa državnim institucijama, humanitarnim i drugim organizacijama u cilju obezbjeđenja pomoći za razvoj i unapređenje socijalnog i zdravstvenog sektora.

Dokumentacija koja se dostavlja:

- a) Zahtjev/aplikacija za finansiranje/sufinansiranje programa/projekta koji sadrži (naziv programa/projekta, opis problema, razlog zbog kojeg aplikant traži odobrenje novčanih sredstava, pregled aktivnosti koji se planiraju realizirati, iznos finansijskih sredstava koja su neophodna za realizaciju aktivnosti uključujući ukupan iznos sredstava, traženi iznos sredstava te iznos sredstava koji bi se obezbjedio iz drugih izvora uključujući i vlastita sredstva);
- b) Rješenje o registraciji udruženja/organizacije;
- c) Uvjerenje o poreskoj registraciji – Identifikacioni broj ID;
- d) Karton depo potpisa- ovjerena kopija;

e) Ugovor sa bankom ili karton depo potpisa sa navedenim transakcijskim računom u banci.

IV Odabir korisnika i dodjela sredstava:

Za provođenje javnog poziva i realizaciju cjelokupnog postupka odabira korisnika i dodjele sredstava Ministrica za socijalnu politiku, zdravstvo, raseljena lica i izbjeglice Bosansko-podrinjskog kantona Goražde će imenovati komisiju.

Na osnovu prijedloga podnosioca zahtjeva/aplikacije, kvaliteta i opravdanosti ponuđenog programa/projekta ili aktivnosti, procjene realnih potreba od strane Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde i raspoloživosti budžeta, utvrđuje se visina sredstava za finansiranje/sufinansiranje. Konačnu odluku o dodjeli tih sredstava donosi Ministrica za socijalnu politiku, zdravstvo, raseljena lica i izbjeglice Bosansko-podrinjskog kantona Goražde.

Visinu sredstava za raspodjelu po ovom javnom pozivu utvrđuje resorno Ministarstvo u skladu sa Programom utroška sredstava sa ekonomskog koda 614300 - Tekući transferi neprofitnim organizacijama za 2018. godinu.

V Rok za podnošenje zahtjeva

Rok za podnošenje zahtjeva po ovom Javnom pozivu je 15 dana od dana objave.

Zahtjevi za dodjelu sredstava se podnose u zatvorenoj koverti na Protokol Bosansko-podrinjskog kantona Goražde ili poštom na adresu:

**Ministarstvo za socijalnu politiku, zdravstvo, raseljena lica i izbjeglice
Bosansko-podrinjskog kantona Goražde,
ulica Višegradska 2a
sa naznakom**

**“Prijava na javni poziv za finansiranje i sufinansiranje programa/projekata i ostalih aktivnosti
neprofitnih organizacija u socijalnom i zdravstvenom sektoru za 2018. godinu – ne otvaraj”**

Nepotpune i neblagovremene prijave neće se uzimati u razmatranje.

VI Način objave

Javni poziv objavljuje se na zvaničnoj internet stranici Vlade Bosansko-podrinjskog kantona Goražde, kao i na Oglasnoj ploči Bosansko-podrinjskog kantona Goražde.

Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde zadržava pravo poništenja ovog javnog poziva do odabira korisnika sredstava, bez obaveza pismenog ili usmenog obrazloženja kao i bez obaveza snošenja troškova za podnošenje zahtjeva po ovom pozivu.

**Bosansko-podrinjski kanton Goražde
Ministarstvo za socijalnu politiku, zdravstvo,
raseljena lica i izbjeglice**

MINISTRICA

Sabira Bešlija

Broj: 08-14-709-1/18

Goražde, 03.04.2018.godine